

Lëtzebuerg, den 2 Dezember 2021

Här Fernand ETGEN
Chamberspräsident
LËTZEBUERG



DEMOKRATESCH
PARTEI

Chambre des Députés
Groupe Parlementaire

Här President,

Esou ewéi den Artikel 80 vum Chambersreglement et virgesäit, bieden ech Iech, dës parlamentaresch Fro un d'Madamm Kulturministesches weiderzeleeden:

„No den historeschen archeologeschen Entdeckungen déi zu Iechternach bei der fréierer „Petite Marquise“ gemaach goufen, huet d'Madamm Kulturministesches an engem Bréif vum 30. Abrëll 2021 proposéiert dëse Site als Monument national ze klasséieren.

Souwuel am Iechternacher Gemengerot vum 8. November 2021, wéi an engem Presseartikel vum 22. November 2021, hunn de Buergermeeschter an éischte Schäfte vun der Stad Iechternach sech doriwwer geiergert, dass di archeologesche Aarbechten um Site ëmmer nach net ofgeschloss sinn an dass d'Stad Iechternach vum Kulturministère géing higehele ginn. Et léichen dem Schäfferot och nach keng Rapporten vun den Archeologen an Experte vir. Déi verluere Méint géifen d'Stad Iechternach a senger Entwécklung bremsen an hätte fir d'Gemeng och en immens héije Käschtepunkt.

An deem Kader wollt ech der Madamm Kulturministesches folgend Froe stellen:

- 1. Wéi wäit ass d'Prozedur vum Klassement vum Site vun der fréierer „Petite Marquise“ fortgeschratt? Sinn entretemps d'Avis'en vun der Commission des Sites et Monuments (COSIMO) an der Stad Iechternach erakomm? Wat sinn déi nächst Schratt an dëser Prozedur? Wéini ass mat enger definitiver Decisioun a punkto Klassement ze rechnen?*
- 2. Kann d'Madamm Ministesches confirméieren, dass d'Aarbechte vun den Archeologen déi um Site schaffen nach net ofgeschloss sinn? Falls jo, wat ass de Grond dofir? Wéi laang wäerten di archeologesche Aarbechten nach daueren?*

9, rue du St. Esprit
B.P. 510
L-2015 Luxembourg

Tel. : 22 41 84 1
Fax : 47 10 07

dp@dp.lu
www.dp.lu

3. *Kann, esou laang wéi keng Decisioun a punkto Klassement vum Site virleit an di archeologesch Aarbechten nach lafen, keng Initiativ vun der Stad Iechternach geholl gi fir en zukünftege Projet auszeschaffen? Ass de Kulturministère respektiv d'COSIMO an d'Kontakter vun der Stad Iechternach mat engem éisträichesche Planungsbüro agebonne ginn?*
4. *Ass et richtig, dass den Iechternacher Schäfferot bis ewell keng Rapporte vun den Archeologen an Experte kritt huet? Falls jo, wat sinn d'Grënn dofir?*
5. *Weess d'Madamm Kulturministesch souwuel vun den héijen Zommen déi d'Stad Iechternach all Mount muss opréngen soulaang wéi keng Appartement'en op dësem Site fäerdeggestallt sinn, wéi vun den Entschiedegungen déi un eenzel Firme muss bezuelt ginn, well den initiale Projet net ka realiséiert ginn? Kann de Kulturministère d'Stad Iechternach op dëse Punkten ënnerstëtzen?*
6. *Ass d'Madamm Kulturministesch gewëllt, fir der Stad Iechternach bei der Entwécklung an der Realisatioun vun engem neie Projet „Petite Marquise“ ze hëllefen? Wa jo, mat wéi engen Hëllef, administrativer a finanzieller Natur, kann de Kulturministère der Stad Iechternach, souwuel während der Klassementsprozedur wéi och duerno, ënner d'Äerm gräifen?“*

Mat déiwem Respekt,



Carole HARTMANN
Deputéiert



Äntwert vun der Kulturministesch, Sam Tanson, op d'parlamentaresch Fro n° 5337 vum 2. Dezember 2021 vun der Honorabeler Deputéiert Carole Hartmann.

Am Kader vun der Klassementsprozedur déi di archeologesch Vestigen um Site vun der „Petite Marquise“ betrëfft, gouf de Gemengerot vun der Stad lechternach ëm eng Stellungnam gefrot. Den Delai fir dësen Avis ofzeginn, deen normalerweis dräi Méint ass, gouf ob Demande vun der lechternacher Gemeng schonn zwee mol verlängert.

D'Gesetz vun 1983 gesäit fir, datt, nodeems d'Gemeng sech zu engem méigleche Klassement geäussert huet, de Staatsrot mam Dossier saiséiert gëtt a säin Avis muss ofgewart ginn. Duerno réischt kann de Regierungsrot eng definitiv Entscheedung punkto Klassement huelen.

Den Avis vun der Denkmalschutzkommissioun (COSIMO) läit fir a gouf der Stad lechternach, zesumme mat zwee Rapports d'expertise matgedeelt. Dozou sief ze bemierken, datt d'Persoun déi beim CNRA responsabel fir d'Fouillen ass, eng Visite guidée vum Site mam lechternacher Schännerot am Dezember geplangt huet, an och scho Visite fir interesséiert Matbierger organiséiert huet.

D'Gemeng lechternach gouf schrëftlech informéiert, datt d'Ausgruewungen am Beräich vun der „curtis“ viraussichtlech Enn Januar wäerten ofgeschloss sinn, an datt am Beräich vun der „basse-cour“ (der deemoleger Petite Marquise) nach muss gegruewe ginn. D'Vitesse vun de Fouillen hänkt zum Deel vun de Wiederkonditiounen of, an zum Deel dovunner wéi accessibel den Terrain fir d'Archeolog/innen ass. Am Moment gëtt dëse Beräich nämlech nach vun anere Chantieren a Baustellenariichtunge genotzt an ass domadder net zougängelech.

D'Stad lechternach kann d'Initiativ ergräife fir e Projet op dem Site auszeschaffen. Dëse Projet muss allerdéngs, wann et zu enger Protektioun kënnt, vum Kulturministère autoriséiert ginn. Vu datt déi archeologesch Fouillen awer nach net ofgeschloss sinn, ass et am Moment sécherlech schwéier e konkrete Projet auszeschaffen. Eis Fachleit vum CNRA a SSMN stinn an enkem Kontakt mat der Gemeng an och mam Planungsbüro.

De Kulturministère ass gewëllt der Gemeng lechternach finanziell ënnert d'Äerm ze gräifen sollte si sech dozou entscheeden an de Site z'investéiere mam Zill d'Vestigen ze valoriséieren an dem Publikum accessibel ze maachen.

Lëtzebuerg, de 14. Dezember 2021.

D'Kulturministesch

(s.) Sam Tanson